



## Nowinska zdželenka Maćicy Serbskeje

Sobotu, 18. měrca 2023 wotmě so w Budyskim Serbskim muzeju lětuša hłowna zhromadźizna Maćicy Serbskeje. W přnim džělu poskičištej so dwaj přednoškaj: dr. Leńka Šoćic, wědomostna sobudželaćerka Serbskeho instituta porěči k róli (hornjo)serbskeje wobchadneje řeči w modernym swěće a Trudla Malinkowa předstaji prócowanja Maćicy Serbskeje wo serbske pomniki w zańdženych třoch lětdžesatkach.

W druhim džělu přednjese předsydka dr. Anja Pohončowa namjet předsydstwa, Trudli Malinkowej spožčić čestno člonstwo jako wuraz džaka a připóznaća jeje džělawasće w Maćičnym zmyle. Ze swojim njesebičnym skutkowanjom přinošowaše Trudla Malinkowa w zańdženych třoch lětdžesatkach bytostnje k zběranju, spřistupnjenju a rozšěrjenju wědy wo Serbach. Namjet wo spožčenju čestneho člonstwa bu wot hłowneje zhromadźizny jednohłósnje přiwzaty.

Dale schwali hłowna zhromadźizna směrnicy za wužiwanje pjenjez z Fonsda Salowskeho. Z njeho hodža so projekty spěchować, kotrež wotpowěduja zaměrej towarstwa. Směrnicy su na internetnej stronje Maćicy Serbskeje přistupne.

Nimo toho schwali hłowna zhromadźizna doporučenje za hornjoserbski tekst serbskeje hymny. Štóž chce w serbskej hymnje žony wědomje zapřijeć, móže wariantu wužiwać, kotraž hodži so paralelnje a runočasnje bjez wulkich mylenjow k dotalnemu tekstej hymny spěwać: Časo přichodny, / zakćěj radostny! / Ow, **njech wuńdu** z twojeho / klina **žony**, mužojo, / hódni wěčnoh wopomnjeća! Z tutym doporučenjom da towarstwo jasny signal do serbskeje zjawnosće, zo spomóžne skutkowanje žonow na narodnym polu widži, wita a podpěra. Z tym zakónči Maćica Serbska zjawnu diskusiju wo serbskej hymnje, kotruž bě předsydstwo w januarje 2022 zahajiło.

Budyšin, 21. měrca 2023